



Republic of the Philippines  
**Department of Education**

01 MAR 2017

MEMORANDUM PANGKAGAWARAN  
Blg. **31**, s. 2017

**ULIRANG GURO SA FILIPINO 2017 NG KOMISYON SA WIKANG FILIPINO**

Sa mga: Direktor ng Kawanihan  
Direktor ng Panrehiyon  
Tagapamahala ng mga Paaralan  
Punongguro ng mga Paaralang Pampubliko at Pamprivadong  
Elementarya at Sekundarya

1. Ang Komisyon sa Wikang Filipino (KWF) ay magtatampok ng **Ulirang Guro sa Filipino 2017** alinsunod sa pagdiriwang ng Buwan ng Wikang Pambansa.
2. Ang Ulirang Guro ay taunang gawad na ibinibigay ng KWF sa mga natatangi at karapat-dapat na guro sa Filipino sa bawat rehiyon at/o probinsiya sa buong bansa. Ang Ulirang Guro ay kailangang magpamalas ng angking husay, talino, at dedikasyon sa pagpapalaganap at promosyon ng Wikang Filipino at/o wika at kultura sa larangan ng pagtuturo sa kanilang komunidad, at may makabuluhang ambag sa mga saliksik pangwika at pangkultura.
3. Ang timpalak ay bukas sa mga guro sa Filipino at mga gurong nagtuturo ng ibang disiplina gamit ang wikang Filipino, sa mga pampubliko at pamprivadong paaralang elementarya at sekundarya, maliban sa mga kawani ng KWF at mga direktor ng Sentro ng Wika at Kultura (SWK), at sa kanilang mga kaanak hanggang ikalawang digri (degree).
4. Ang mapipiling *Ulirang Guro sa Filipino* ay makatatanggap ng medalya at katibayan ng pagkilala mula sa KWF.
5. Kalakip nito ang Tuntunin sa Paglahok at Pagpili ng mga Ulirang Guro sa Filipino 2017.
6. Para sa iba pang detalye at impormasyon, maaaring makipag-ugnayan sa **Komisyon ng Wikang Filipino (KWF)**, 2/F Watson Building, 1610 J.P. Rizal Street, San Miguel, Maynila sa telepono blg. (02) 243-9855 o mag-email sa [kwfssg@gmail.com](mailto:kwfssg@gmail.com) o sa website: [www.kwf.gov.ph](http://www.kwf.gov.ph).

  
**LEONOR MAGTOLIS BRIONES**  
Kalihim

Kalakip: Gaya ng nasasaad  
Sanggunian: Memorandum Pangkagawaran Blg. 28, s. 2016  
Ilalagay sa Palagiang Talatuntunan sa ilalim ng mga sumusunod na paksa:

CONTEST  
LEARNING AREA, FILIPINO

SEARCH  
TEACHERS

APA/R-DM Ulirang Guro sa Filipino 2017  
0086/January 28, 2016

**Tuntunin Para sa Paglahok at Pagpili ng  
Ulirang Guro sa Filipino 2017**

1. Bukas ang timpalak sa mga guro sa Filipino at mga gurong nagtuturo ng ibang disiplina gamit ang wikang Filipino, maliban sa mga kawani ng KWF at mga direktor ng Sentro ng Wika at Kultura (SWK), at kanilang mga kaanak hanggang ikalawang digri (degree).
2. Ang mga nominado ay kinakailangang magtaglay ng sumusunod:
  - a. May hawak na kaukulang lisensya (Licensure Examination for Teachers, atbp.), full-time at may permanenteng istatus;
  - b. Nakapaglingkod nang tatlo (3) o higit pang taon bilang guro ng Filipino o mga kaugnay na disiplina na ang gamit ay Filipino bilang wikang panturo, at kasalukuyang nagtuturo sa anumang antas ng edukasyon at may antas ng kahusayan (performance rating) na hindi bababa sa *Very Satisfactory* sa buong panahon ng paglilingkod;
  - c. May makabuluhang ambag sa mga saliksik pangwika at pangkultura ng rehiyon;
  - d. Nakapag-ambag sa pagpapalaganap at promosyon ng Wikang Filipino at/o mga wika at kultura sa larangan ng pagtuturo sa kanilang komunidad sa pamamagitan ng publikasyon, seminar, pagsasanay, palihan, at iba pang katulad na gawain;
  - e. Nanguna sa pagpapahalaga sa pamanang pangwika at pangkultura ng Pilipinas kaagapay ng pagtataguyod at pagpapaunlad sa wikang Filipino; at
  - f. Nakatanggap ng parangal at/o iba pang gawad kaugnay sa kaniyang propesyon (opsiyonal).
3. Maaring magpasa ang paaralan ng higit sa isang nominasyon.
4. Ang bawat nominado ay kailangang magsumite ng mga sumusunod na dokumento:
  - a. Pormularyo para sa nominasyon (maaaring madownload sa websayt ng KWF);
  - b. Komprehensibong *Curriculum Vitae*;
  - c. Rekomendasyon mula sa immediate superior ng kaniyang paaralan na naglalahad ng sumusunod:
    1. Katunayan ng kagalingan bilang guro sa Filipino o gurong gumagamit ng Filipino sa kaniyang pagtuturo na may makabansa at makataong kamalayan;
    2. Katunayan ng *No Pending Case*.

- d. Folio ng mga katibayan ng pagkilala, gawad, publikasyon, at mga naisagawang seminar, palihan, at mga pananaliksik at proyektong may kaugnayan sa wika at kultura; at
  - e. Kung nagtuturo ng ibang disiplina, ilakip ang mga patunay na nakapagtuturo gamit ang Filipino. Hal. Modyul, banghay-aralin, silabus, pagsusulit, at iba pang kagamitang pampagtuturo na nasusulat sa wikang Filipino.
5. Kung sa tanggapan ng KWF isusumite ang lahok, kailangang magbigay ng hard copy ng mga dokumento at *soft copy* na nasa isang (1) CD. Ipadala ang lahok sa:

Lupon ng Ulirang Guro sa Filipino 2017  
Komisyon sa Wikang Filipino  
Gusaling Watson, 1610 Kalye J.P. Laurel  
1005 San Miguel, Maynila

6. Kung sa tanggapan ng SWK ipadadala ang lahok, kailangang magsumite ng dalawang (2) *hard copy* at *soft copy* na nasa isang CD. Maiiwan ang isang *hard copy* sa tanggapan ng SWK.
7. Maaaring isama sa mga listahan ng nominado ang mga nominasyon noong nakaraang taon (2016) kung mayroong bagong impormasyon o "*update*" sa kanilang mga dokumento. Ngunit kung walang idadagdag sa mga dokumentong naipasa noong nakaraang taon, tatanggalin na ito mula sa mga nominado.
8. Ang huling araw ng pagsusumite ng mga lahok ay sa Hulyo 14, 2017. Maaari ding ipadala ang mga nominasyon sa tanggapan ng SWK na nasa probinsya o rehiyong kinabibilangan ng nominado. Hindi na mauurong ang araw ng pagsusumite.
9. Makatatanggap ng medalya at katibayan ng pagkilala ang mga mapipiling Ulirang Guro sa Filipino.
10. Ang pasiya ng inampalan ay pinal at hindi na mababago. Lahat ng isinumiteng lahok, nanalo man o natalo, ay hindi na ibabalik ng KWF.
11. Para sa karagdagang tanong at detalye, mangyaring makipag-ugnayan sa:

Komisyon sa Wikang Filipino  
Gusaling Watson, 1610 Kalye J.P. Laurel  
San Miguel, Maynila  
Telepono: (02) 243-9855  
Email: kwfssg@gmail.com  
Website: www.kwf.gov.ph





Republic of the Philippines  
OFFICE OF THE PRESIDENT  
**COMMISSION ON HIGHER EDUCATION**



**KALATAS MULA SA TAGAPANGULO**

- PARA SA :** LAHAT NG TAGAPAMUNO NG SENTRAL AT MGA PANREHIYONG TANGGAPAN NG KOMISYON  
LAHAT NG PRESIDENTE/ TAGAPANGULO NG MGA PAMPUBLIKO AT PRIBADONG KOLEHIYO AT UNIBERSIDAD
- PAKSA :** PARTISIPASYON SA ULIRANG GURO SA FILIPINO 2017 NA INORGANISA NG KOMISYON SA WIKANG FILIPINO
- PETSA :** Enero 2017


Alinsunod sa mga partikular na probisyon ng *Republic Act (R.A.) No. 7722* na kilala rin bilang "*Higher Education Act of 1994*" malugod na iniendoso ng Tanggapang ito ang nasabing aktibidad na inorganisa ng Komisyon sa Wikang Filipino para sa suporta at partisipasyon ng mga kinauukulan sa mga aktibidad at programa kaugnay ng gawaing ito.

Ang aktibidad na ito ay naglalayong maparangalan ang mga guro na gumagamit ng Filipino sa kanilang pagtuturo sa iba't ibang unibersidad at kolehiyo.

Ang pakikilahok ng mga opisyal, empleyado o estudyante mula sa mga pribadong kolehiyo at unibersidad ay BOLUNTARYO. Samantala, ang sinomang opisyal o empleyado ng mga pampublikong kolehiyo at unibersidad na nagnanais lumahok sa nasabing aktibidad ay pinaaalalahanan sa wastong paggamit ng pondo ng gobyerno alinsunod sa *Administrative Order No. 103*.

Para sa karagdagang detalye, reserbasyon at/o iba pang katanungan patungkol sa aktibidad na ito maaari kayong makipag-ugnayan kanilang telepono sa bilang na 2439853.

Hinihiling ang malawakang pagpapalaganap ng kalatas na ito.

  
PATRICIA B. LICUANAN, Ph.D.

01-027-0146\_KWF\_2016

Natanggap ng KWF  
ngayong 3 Feb 2017  
  
Remedios P. Valquez